

Tortoli. Assemblea contra s'assàltiu energèticu: is sindigos sustentant sa Lege Pratobello



S'Ogiastra si mobìlitat contra s'isfrutamentu energèticu de sa Sardigna, cun is comunidades chi acodint a is ufitzios anàgrafe de is Comunos issoro pro firmare sa proposta de sa Lege Pratobello.

Martis, in s'ex Blochiera Falchi, su Comitadu Lege Pratobello Setzione Ogiastra, at fatu su primu atopu pùblicu suo. A donare coddu a su movimentu

peri is primos tzitadinos de is biddas ogiastrinas comente is de Tortoli, Àrthana, Baunei, Lotzorai, Gelisuli, Triei e Talana. Pro mèdiu de is canales ufitziales e sotziales issoro, is sindigos sunt sotende is tzitadinos a s'informare e a firmare su documentu frutu de un'initiativa popolare. A pustis de sa reunione medas is tzitadinos chi nd'ant approfittadu pro firmare sa proposta de Lege.

Michele Ziddas, abogadu e sustenidore de is comitados ispontàneos nàschidos in totu s'isula, at cumpartzidu sa riflessione sua in Facebook a pustis de s'assemblea de martis in Tortoli: "S'atopu est istadu ricu de riflessiones e cunsìgios bonos chi mi indànimant a s'ghire in cust'àndala. Chie crìcat sa partetzipatzione popolare a custu protzessu democràticu sena pretzedentes no at cumpresu sa portada de su cambiamentu in atu. Pro sa prima bia, mìgias de sardos sunt unendosi ponende a banda cada partzidura, pro amparare s'isula nostra dae is progetos distruidores de políticos e ispeculadores. Sa lege Pratobello at donadu inghitzu a unu movimentu popolare de massa chi non si lassat trampare dae is crìticos bestimpare cun s'Istadu italianu e is portaboghes sardos suos. Est un'unda chi creschet e devenit semper prus manna e mala a s'arrere."